


Հաստատված է.

Գավառի պետական բժշկական քոլեջի

կառավարման խորհրդի նիստում՝

„28” 04 2023 թ.

(արձանագրություն N 8)

Խորհրդի նախագահ՝  Գ. Սողոմոնյան

ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ  
ՍՊՈՐՏԻ ՆԱԽԱՐԱՐՈՒԹՅՈՒՆ

«ԳԱՎԱՌԻ ՊԵՏԱԿԱՆ ԲԺՇԿԱԿԱՆ ՔՈԼԵՋ» ՊՈԱԿ

ՈՒՍԱՆՈՂԱԿԱՆ ԽՈՐՀՐԴԻ ԿԱՆՈՆԱԿԱՐԳ  
/Նոր խմբագրությամբ/

## 1. ԸՆԴՀԱՆՈՒՐ ԴՐՈՒՅԹՆԵՐ

1.1. «Գավառի պետական բժշկական քոլեջ» ՊՈԱԿ-ի ՈԻսանոդական Խորհուրդը, /այսուհետ ՈԻԽ/ ինքնակառավարման մարմին է, այն ստեղծվել է պաշտպանելու և ապահովելու ուսանողների իրավունքները, և հնարավորություն է տալիս ուսանողներին մասնակցելու իրենց վերաբերվող հարցերի քննարկմանն ու լուծմանը, սոցիալական գործունեության զարգացմանը՝ աջակցելով ուսանողական նախաձեռնությունների իրականացմանը::

1.2. ՈԻԽ-ն մշտական գործող և ուսանողների գործունեությունը համակարգող ներկայացուցչական մարմին է և գործում է սույն կանոնակարգի հիման վրա: Սույն կանոնակարգը քննարկվում է ՈւԽ-ի կողմից և հաստատվում է Կառավարման խորհրդի որոշմամբ:

1.3 Իր գործունեությունը իրականացնելիս ՈԻԽ-ն առաջնորդվում է ՀՀ Սահմանադրությամբ, Նախնական/արհեստագործական/ և միջին մասնագիտական կրթության մասին ՀՀ օրենքով, Քոլեջի կանոնադրությամբ և սույն կանոնակարգով:

1.4. Քոլեջի յուրաքանչյուր ուսանող իրավունք ունի ընտրելու և ընտրվելու ուսանողական խորհրդում՝ համաձայն սույն Կանոնակարգի:

1.5. ՈԻԽ գործունեությունն ուղղված է քոլեջի բոլոր ուսանողների իրավունքների պաշտպանությանը:

1.6. ՈԻԽ որոշումները տարածվում են քոլեջի բոլոր ուսանողների վրա:

1.7. Աշխատանքները համակարգելու համար քոլեջի ՈԻԽը իրավասու է խորհրդ նիստերին որպես հրավիրյալներ ներգրավել նաև Քոլեջի վարաչական և մանկավարժական կազմի, ինչպես նաև կառավարման խորհրդի ներկայացուցիչների:

## 2. ՈՒՍԱՆՈՂԱԿԱՆ ԽՈՐՀՐԴԻ ՀԻՄՆԱԿԱՆ ՆՊԱՏԱԿՆԵՐԸ, ԽՆԴԻՐՆԵՐԸ ԵՎ ԳՈՐԾՈՒՆԵՈՒԹՅԱՆ ՍԿԶԲՈՒՆՔՆԵՐԸ

### 2.1. ՈԻԽ նպատակները՝

- ուսանողական ներուժի համախմբում՝ ուսուցման գործընթացում առաջացող խնդիրները համատեղ լուծելու նպատակով,
- Քոլեջի կառավարման գործընթացում ուսանողների ակտիվ մասնակցության համար բարենպաստ պայմանների ստեղծում,
- քոլեջի ուսանողների նախասիրությունների և հետաքրքրությունների, նրանց ինքնաիրացման և ստեղծագործական ներուժի բացահայտումը;
- քոլեջի զարգացման ռազմավարական ծրագրի իրականացման գործում տնօրենին աջակցության ցուցաբերում,
- Քոլեջի կարիերայի պատասխանատուի հետ սերտ համագործակության ապահովում,
- Քոլեջի որակի ապահովման գործառույթների իրականացման գործում ներգրավվածության ապահովում:

## 2.2. ՈւՖԽ խնդիրները:

- ուսանողների իրավունքների և շահերի ներկայացում և պաշտպանություն;
- ուսանողների կրթական, և նրանց շահերին առնչվող այլ հարցերի լուծմանն աջակցության ցուցաբերում;
- ուսանողության շրջանում ժողովրդավարական ավանդույթների պահպանում և զարգացում, քոլեջի կրթական խնդիրների վեր հանում քննարկում և լուծումների առաջադրում, ուսանողների ժամանցի կազմակերպում, առողջ ապրելակերպի քարոզում, կրթական գործընթացի շրջանակներում աջակցության քոլեջի կառուցվածքային ստորաբաժանումներին;
- ուսանողների կողմից ընտրած մասնագիտության նկատմամբ արժևորման խթանում,
- քոլեջի ավանդույթների նկատմամբ հարգալից վերաբերմունքի դրսևորում և տարածում;
- քոլեջի գործունեությանն և ուսանողների իրավունքներին առնչվող ներքին իրավական փաստաթղթերի և դրանց բովանդակության վերաբերյալ տեղեկատվության ապահովում;
- տեղական և միջազգային ուսումնական հաստատությունների ՈւՖԽ-ների միջև փոխգործակցության կապերի հաստատում և ամրապնդել;
- հասարակական նշանակություն ունեցող երիտասարդական նախաձեռնություններին մասնակցության ապահովում:
- Քոլեջի կարիերայի պատասխանատուի հետ համագործակցություն,
- Քոլեջի կրթության որակի ապահովման պատասխանատու հետ համագործակցություն:

## 2.3. Ուսանողական խորհրդի գործունեության սկզբունքները՝

- ՈւՖԽ աշխատանքների հրապարակայնության ապահովում;
- ՈւՖԽ գործունեությանը կամավոր մասնակցություն;
- որոշումների կայացման հարցում կոլեգիալության ապահովում,
- ՈւՖԽ գործունեության հաշվետվողականության, հրապարակայնության և թափանցիկության ապահովում ;
- ուսանողների առջև պատասխանատվություն ստանձնում:

## 3. ՈՒՍԱՆՈՂԱԿԱՆ ԽՈՐՀՐԴԻ ԿԱՌՈՒՑՎԱԾՔԸ ԵՎ ԿԱԶՄԱՎՈՐՄԱՆ ԿԱՐԳԸ

3.1 Ուսանողական խորհրդի կառուցվածքը ներառում է ուսանողական խմբերը իրենց ավագների հետ:

3.2. Ուսումնական խմբի ավագը ընտրվում է խմբի ուսանողների ընդհանուր ժողովում ձայների մեծամասնությամբ: Առաջին ժողովը համակարգում է խմբի տարիքով ավագ ուսանողը, իսկ դրան հաջորդող ժողովները՝ արդեն ընտրված խմբի ավագը: Ուսանողական խմբի ժողովներն արձանագրվում են: Ժողովն իրավասու է առաջադրելու ավագի թեկնածություն:

Ավագների ընտրությունը անցկացվում է բաց քվեարկությամբ: Ավագի թեկնածությունն առաջադրելու և ընտրություններին մասնակցելու իրավունք ունեն ուսումնական խմբի բոլոր ուսանողները:

3.3 Ուսանողական խմբի ընդհանուր ժողովի որոշումը համարվում է ընդունված՝ եթե դրան մասնակցում են ուսանողական խմբի ուսանողների կեսից ավելին :

3.3. Քոլեջի ՈՒԽ-ի կազմի մեջ մտնում են. խորհրդի նախագահը, փոխնախագահը, քարտուղարը, անդամները:

3.3 . Ուսանողական խորհրդի նախագահի ընտրությունն անցկացվում է փակ գաղտնի քվեարկությամբ: Ընտրություններին մասնակցելու իրավունք ունեն քոլեջի բոլոր ուսանողները: Ընտրված է համարվում այն թեկնածուն, ով մյուս թեկնածուների համեմատ հավաքել է առավելագույն ձայներ, հավասար ձայներ հավաքած թեկնածուների միջև անցկացվում է նոր քվեարկություն: Հաղթող է համարվում առավելագույն ձայն հավաքած թեկնածուն:

3.4. Քոլեջի ուսանողական խորհրդի նախագահի թեկնածու կարող է առաջադրվել առկա ուսուցմամբ այն ուսանողը, ով հանդիսանում է ՈՒԽ անդամ:

3.5 ՈՒԽ փոխնախագահը և քարտուղարը ընտրվում են ՈՒԽ անդամներից բաց քվեարկությամբ:

3.6 ՈՒԽ-ն կարող է ունենալ անդամներ յուրաքանչյուր խմբի ուսանողական համակազմի  $\frac{1}{4}$  չափով:

3.6 ՈՒԽ բարձրագույն մարմինը ՈՒԽ-ի ընդհանուր ժողովն է:

3.8. Քոլեջի ՈՒԽ-ն պլանավորում է խորհրդի գործունեության ընդհանուր ուղղությունները և կապ պահպանում Քոլեջի որակի ապահովման, կարիերայի կենտրոնների, Քոլեջի ստորաբաժանումների և հասարակայնության հետ:

#### 4. ՈՒՍԱՆՈՂԱԿԱՆ ԽՈՐՀՐԴԻ ՓՈԽԳՈՐԾԱԿՑՈՒԹՅՈՒՆԸ ՔՈԼԵՋԻ ԿԱՌԱՎԱՐՄԱՆԻ ԵՎ ՍՏՈՐԱԲԱԺԱՆՈՒՄՆԵՐԻ ՀԵՏ

4.1. Քոլեջի կառավարման և ղեկավար մարմինների և ՈՒԽ փոխհարաբերությունները կարգավորվում են սույն Կանոնակարգով:

4.2. ՈՒԽ-ն համագործակցում է Քոլեջի կառավարման խորհրդի հետ՝ համագործակցության և ինքնավարության սկզբունքների հիման վրա:

4.3 ՈՒԽ-ն Քոլեջի ուսանողների կազմից 3 թեկնածու առաջադրում է կառավարման խորհրդի կազմում Քոլեջի կանոնադրության, «Կառավարման խորհրդի կազմում ուսանողների թեկնածությունը առաջադրելու վերաբերյալ» ընթացակարգի և սույն կանոնակարգի համաձայն :

4.4 Քոլեջի կառավարման մարմինի անդամները կարող են մասնակցել ուսանողական խորհրդի նիստերին խորհրդակցական ձայնի իրավունքով: Ուսանողական խորհրդի առաջարկությունները քննարկվում են քոլեջի կառավարման խորհրդի կողմից:

4.5 ՈՒԽ նախագահը, որպես ուսանողների ներկայացուցիչ կարող է ընդգրկվել տնօրինական խորհրդի կազմում:

4.6 ՈՒԽ-ն փոխհամագործակցում է Քոլեջի կարիերայի կենտրոնի հետ օժանդակելով Կենտրոնի կողմից կազմակերպվող միջոցառումների և տարբեր նախաձեռնությունների կազմակերպմանը և իրականացմանը:

4.7 ՈՒԽ-ն փոխհամագործակցում է Քոլեջի որակի ապահովման կենտրոնի հետ մասնակցելով Կենտրոնի կողմից ուսանողների կարիքները վեր հանող և գնահատող գործընթացի իրականացմանը:

## 5. ՈՒՍԱՆՈՂԱԿԱՆ ԽՈՐՀՐԴԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

### 5.1. ՈՒԽ-ն իրավունք ունի՝

- մասնակցել Քոլեջի ուսանողների շահերը արտահայտող և կարգավորող իրավական ակտերի մշակմանը և կատարելագործմանը,
- մասնակցել ուսումնական գործընթացի որակի գնահատմանը, պատրաստել և առաջարկություններ ներկայացնել կառավարման խորհրդի հաշվի առնելով ուսանողների մասնագիտական հետաքրքրությունները,
- առաջարկություն ներկայացնել ուսումնական մասին ուսումնական գործընթացի ժամանակացույցում փոփոխություն կատարելու վերաբերյալ,
- առաջարկություն ներկայացնել պրակտիկայի կազմակերպման, ուսանողների կյանքի և հանգստի կազմակերպման հարցեր վերաբերյալ;
- մասնակցել ուսանողների կարգապահական խախտումների հետ կապված հարցերի քննարկմանը:
- ներգրավվել ուսանողական խորհրդի գործունեությանը և քոլեջի հասարակական կյանքին ակտիվ մասնակցություն ունեցող ուսանողների խրախուսման համակարգի մշակմանն ու իրականացմանը;
- քոլեջի կառավարման խորհրդից, տնօրենից և այլ ստորաբաժանման ղեկավարներից պահանջել և սահմանված կարգով ստանալ ուսանողական խորհրդի գործունեության համար անհրաժեշտ տեղեկատվություն;
- առաջարկություններ ներկայացնել քոլեջի նյութատեխնիկական բազայի և տարածքների օգտագործման հարցերի լուծման վերաբերյալ;
- սահմանված կարգով օգտվել իր գործունեությանն առընչվող տեղեկատվությունից;
- սահմանված կարգով վերադաս մարմիններում բողոքարկել ուսանողների շահերին առնչվող հրամաններն ու կարգադրությունները;
- ուսանողների իրավունքների և ազատությունների, ինչպես նաև ուսանողական խորհրդի իրավունքների խախտման և սահմանափակման դեպքերում՝ քոլեջի կառավարման խորհրդին և տնօրենին առաջարկություն ներկայացնել խախտված իրավունքները վերականգնելու և մեղավոր անձանց նկատմամբ կարգապահական միջոցներ կիրառելու վերաբերյալ;
- օգտագործել բողոքի օրինական ձևերը՝ պաշտպանելու ուսանողների իրավունքներն ու ազատությունները, ինչպես նաև ուսանողական խորհրդի իրավունքները;
- ուղղակիորեն մասնակցել քոլեջի գործունեության պլանավորմանը, անցկացմանը և վերլուծությանը;

- մասնակցել քուլեջում ստեղծվող խորհուրդների ( հանձնաժողովների և այլն) աշխատանքներին:

## 5.2. ՈՒԽՐ պարտավոր է՝

- իրականացնել աշխատանքներ, որոնք ուղղված են ուսանողների հասարակական գիտակցության և գիտելիքը, կրթությունը արժևորելու գիտակցության բարձրացմանը,
- իրականացնել աշխատանքներ, որոնք ուղղված են քուլեջի նյութատեխնիկական ռեսուրսների նկատմամբ հոգատար վերաբերմունքի ցուցաբերմանը;
- օժանդակել Քուլեջում ակադեմիական ազնվության, կարգապահության և իրավակարգի պահպանմանը, ուսանողների քաղաքացիական գիտակցության բարձրացմանը, պարտականության և պատասխանատվության զգացողության ձևավորմանը;
- իրականացնել ուսանողների հետ աշխատանքներ քուլեջի կանոնադրության և ներքին կանոնակարգերի պահանջների կատարման ուղղությամբ;
- աջակցել քուլեջի ղեկավար մարմիններին կրթական գործընթացի կազմակերպման հարցերում;
- ժամանակին և սահմանված կարգով քննել ՈՒԽ-ին հասցեագրված ուսանողների բոլոր դիմումները;
- աշխատանքներն իրականացնել ուսանողական խորհրդի կանոնակարգին և ուսումնական տարվա գործունեության պլանին համապատասխան;
- աջակցել ուսանողների տարաբնույթ նախաձեռնություններին;
- ներկայացնել և պաշտպանել ուսանողների շահերը քուլեջի ղեկավար մարմինների առջև;

## 6. ՈՒՍԱՆՈՂԱԿԱՆ ԽՈՐՀՐԴԻ ԳՈՐԾՈՒՆԵՈՒԹՅԱՆ ԿԱԶՄԱԿԵՐՊՄԱՆ ԿԱՐԳԸ

6.1. ՈՒԽ-ն իր կազմից ընտրում է Նախագահ և փոխնախագահ և քարտուղար:

6.2. ՈՒԽ-ն իր նիստերն անցկացնում է առնվազն ամիսը մեկ անգամ և ըստ անհրաժեշտության: Ուսանողական խորհրդի նիստերը բաց են :

6.3. ՈՒԽ-ի նիստն իրավագոր է՝ եթե նիստին մասնակցում են անդամների ընդհանուր թվի կեսից ավելին:

6.4. ՈՒԽ-ի որոշումներն ընդունվում են նիստին ներկա անդամների թվի ձայների մեծամասնությամբ:

6.5. ՈՒԽ-ի նախագահն ապահովում է խորհրդի նիստերի նախապատրաստումն ու անցկացումը, այդ թվում՝ խորհրդի անդամների հետ համաձայնեցմամբ, որոշում է նիստերի օրակարգը, նախագահում է և ապահովում դրանց արձանագրումը :

6.6. Փոխնախագահը իրականացնում է իրեն վերապահված լիազորությունները, ինչպես նաև Նախագահի բացակայության դեպքում կատարում է նրա պարտականությունները:

6.7. ՈՒԽ-ն իր գործունեության աշխատանքները կազմակերպելու, ինչպես նաև բնականոն գործունեությունն ապահովելու համար կարող է կազմել հանձնաժողովներ:

6.8. ՈԻԽ-ն հաստատում է հանձնաժողովների կազմը, նշանակում հանձնաժողովների նախագահներին, իսկ նրա ներկայացմամբ՝ հանձնաժողովների այլ աշխատակիցների: Հանձնաժողովների աշխատանքների իրականացման կարգը սահմանում և հաստատում է ՈԻԽ-Ն:

6.9. ՈԻԽ-ն ըստ անհրաժեշտության իրականացնում է խորհրդատվական գործառույթներ:

6.10. Քոլեջը կրում է ուսանողական խորհրդի գործունեության համար անհրաժեշտ ծախսերը:

6.11. ՈԻԽ-ի գործունեությունն ապահովելու համար քոլեջը անհատույց օգտագործման է տրամադրում տարածքներ (Աշխատասենյակներ), կապի միջոցներ, գրասենյակային սարքավորումներ և այլ անհրաժեշտ նյութեր, միջոցներ:

6.12. ՈԻԽ-ին տրամադրված գույքն ու միջոցները խստագույնս օգտագործվում են ըստ նշանակության:

6.13. ՈԻԽ-ն պահպանում է իր նիստերի արձանագրությունները՝ համաձայն քոլեջի փաստաթղթաշրջանառության կարգի:

6.14. Արձանագրությունները պահվում են ՈԻԽ գրասենյակում:

6.15. Գործավարության պատասխանատվությունը կրում են ուսանողական խորհրդի նախագահը և քարտուղարը: